

鐔

墟

堂

摘

稿

鐔墟堂摘稿卷之十九

明光祿大夫太子太傅工部尚書豐城古和雷禮著
詩一

贈蘇寒村知瀏陽

長才大略實堪誇
試宰南翔去路賒
共許壯遊追赤壁
不妨年少到長沙
春回寶蓋蓮群阜
水遶風巖足萬家
更有龜山遺澤在
歸鴻樓上倚雲霞

館閣初試應制秋日書懷

日行西陸凝秋色
節序頻移感睿思
馭遠不忘周

武略臨風寧羨漢宗辭但忻多稼盈群圃坐使飛
孤肅四夷獨愧小臣勞側席何因夙夜答殊私

贈羅半窗補四川兵憲

中朝節制下蓬萊蜀道迢迢驛使催千里旌旗懸
玉峽萬年社稷倚金臺高天鷹隼迎秋擊棧閣風
煙待日開莫謂書生只俎豆從來三代有遺才

贈來菲泉知奉新

曾折南宮第一枝山城何幸挹光儀未須滕閣堪
為賦且喜桐山可勒碑瑚璉自應成廟器驂駟端

不因塗泥愧予獨切緇衣好文節勲名是所期

贈謝少溪知雄縣

古雄重地控幽薊建牧豔須拔異才水溢共希昭
遠至民流應待舜卿回積錢奏下常平法懷古時
登均樂臺花日鶴書徵侍從坐看鳴珮步蓬萊

贈劉少溪知龍溪

閩鄉窮盡入清漳離別其如道路長瀚海近臨飛
躍閣翠峰斜抱水雲臺未論棲鵲思柯述且可觀
風拜紫陽況遇聖明臨萬里徵書端不後循良

贈趙以理知仁和

仁和地勝映錢塘湖上風煙引去航
危閣遙分天竺景清齋時挹雪峯香
踞通水陸開煙市俗向浮屠
繞畫梁莫學風流蘇判府只栽桃李不栽桑

贈李抑齋知番禺

番禺禺北自天成古祀蕭楊二令名
豈謂貪泉能變質須知窟宅可留聲
閑中運甓思陶帥江上投珠憶李卿
此去御屏書姓字共驚旌錦下羊城

贈沈寒村知羅田

羅田東鎮控黃州更羨名賢復此遊興到不須尋
赤壁政和何必慕霞樓平湖關外堪畱轡石柱山
前足買牛莫效使君惟百日空餘詩句滿丹丘

贈吳思誠知宣城

聞道宣城景獨幽喜君雅志切民憂謝公詩在無
留筆林令門移有鐵牛山入敬亭常北拱水環響
峽自東流此行好布咸和澤豈獨臨風嘆北樓

澍河道中

解纜河灣斗正橫聲聲畫鼓趣王程狂風忽送千

山雨遠浦還稽半日行目斷鄉關無鴈過心懸冀
闕逐潮生黃昏自嘆迷前路雲外亭亭孤月明

舟泊天津

天津東鎮接

皇州關府屯兵據上游飛輓遠通千里貢歸潮同納九
河流風傳鼓角金聲肅日照樓船辰氣收自是
聖朝恢遠略遍令此地作金甌

次滄州觀毛公井

共言北海多鹽井毛令何為水獨甘畢竟仁民卽

盡孝此心此水兩無慚

次東昌訪仲連臺

南行役役抵聊城高士臺空草自生輕世不迷遊
趙諾危言獨却帝秦名鵬飛海外秋天迴鴻舉雲
間逸氣清更羨蠟書先上笑何勞百萬老齊兵

次濟寧登李白酒樓

古今多少清狂客此地空餘李白樓醉裡乾坤難
盡畫何須麗澤寄閑遊

登歌風臺

舟經汴泗水交流獨上歌臺壯勝遊歆向沛中詢
父老大風不是漢家秋

彭城野眺

古徐四塞據中州幾度詞人說項劉我獨漫懷城
下水不同興廢自東流

聖雲龍寺

遠眺雲龍寺孤亭絕北岑落霞奔岫遠怪石卧苔
深楚客能談法山僧不解音何因坡老興對此賞
同心

過留城

逐鹿功臣盡列侯
子房何獨足封留
定知藏拙師
黃石碑穀松山得自由

謝王筆峯太守

長淮却阻據山陽
更喜專城得茂良
卧閣久聞師
汲黯開倉端不後
蘇章宴花樓上薰風細攬轡
前幽草香獨嚼海陬難卧轍
文光已射斗牛傍

謁淮陰廟

杖策歸劉事亦危
登臺重幸受殊知
鎮齊已訝迷

先著屢項何為復後期隻手功名如浪迹百年世事有餘悲古來明哲由多學湖上于今憶范蠡

揚州志感

古紀一揚同二益繁華滿目聞新粧可憐土價黃
金盡總在清彈九曲傍

吊迷樓

久聞煬帝建迷樓到底人迷仙不迷水調未終哀
怨起草塘空聽杜鵑啼

謁董子祠

史稱漢武崇儒術何事江都屈大儒畢竟好儒惟
好假元功初是市中屠

又

走卒共知尊董傳却於義利獨茫然假如董傳生
今日誰道王官是大賢

渡江

到江地盡揚州界南岸遙臨北固城鶴寺已無劉
宋輦蒜山還憶武侯旌雲連大海三吳迥日映長
空萬里明天塹自應嚴保障何人擊節策湘兵

謝來菲泉

抱病南行促去航暫依茂宰泊雲陽葛洪地近餘
丹竈慈濟名存有藥房禱飲乳泉隨疾愈坐聞清
話覺身強總因醫國如醫疾願借千金肘後方

謝鄭海亭

遙望錫山拂暮煙逢君意氣更留連坐迎庭外無
邊月且味褰中第二泉堂揭漪瀾緣嗜淺政閑古
調但思玄清談夜盡惟文火張令原來不愛泉

懷季子廟

舟入姑蘇懷李子史稱博物古無雙觀人自合思
王季守節何須附子臧共許風高吳地重豈知身
後越兵強幾回娃館畱餘恨總為延陵慮不長

吊吳都

清晨遠眺闔閭城往事傷心自不平響簾廊空荒
蘚合採香徑廢落花輕亭開鑑井留僧汲苑築虹
堤無鴨聲更笑臺高三百里如何不見入吳兵

慰黃露峰

伊昔同射策遭時俱見收君獨振高翰南翔入長

金戈堂折角 卷三十一
洲一命敢言易寸心托清修方期騫萬里羽儀贊
皇猷詎意中踞蹶舉目橫戈矛兼之下石者黃金
隨鑠流清夜增永嘆瞻星倚斗牛終有明月至照
此不驚鷗

謝黃野塘

嘉禾負海控江淮文物還同十二街人羨魚鹽稀
訟牒水饒秫稻足生涯橋邊五柳清風遠樓外重
湖景色佳更聽演之多歧績王公應記樂全齋

寄董晴溪

共說鹽官思魯直使君今日振餘風溉田復見開
涇利備旱寧慚糴種功定有邑人刊十異不勞自
歎嘆三同撫琴深處閑相憶坐聽知音徹海東

謝大叅洪西淙邀遊靈隱寺

蒼蒼古寺瞰山中九里松聲徹碧空湖到晚來還
浴日亭臨高處不辭風野禽對語情偏切芳草無
心色自同我亦苦詩如老宋遲吟何處扣禪宮

遊釣臺

光武飛龍正在天先生何事卧蒼煙錦裘不似羊

裘暖肉食何如藿食便自信功名非渭叟聊依泉
石學梅仙閑來岸下看流水一笑狂瀾幾覆船
巍巍炎鼎千鈞重何獨君王重一絲勁卒未能驅
薄俗朱衣那可涵深泥政資丹荔開香火豈為冥
鴻惜羽儀他日名賢并黨錮總因垂釣有臺基

謝黃亦齋

衆羨蘭谿麴米春寧知德政更堪親洪卿騁驥還
千里汪令疏渠活萬人雲入佳山饒古樹春生澗
水見遊鱗我來入室當明月對飲清宵無雜賓

謝袁韶江太守

三衢地勝通閩越刺史分符得重城
二十年前有此夢六千頃內足遺耕
觀風始見崢嶸狀對郡還餘坐嘯聲
清獻門前風不遠可無政績繼芳名

常山行

征夫盡訴常山苦水陸交衝達四五里
甲無名歛箕錢半歸縣吏半歸府
白身力擔過峭峰氣喘暫休崖下樹
狂風忽忽蔽晴空萬壑奔號捲猛雨
破衣濕透侵寒膚扛在山中難謝主
夜深寂寂迷前

途遍地敲門盡閉戶平明一一付官家遲遲反拂
官家怒忍饑殍氣及暮還急向樞妻理散糧更闌
吏卒復催徵嚇說大官猛似虎陸行壅積無人覓
且復下流撐破舫沙明灘淺如旋磨信宿依然在
水滸乾餓已竭不勝勞匍匐低聲叩市賈非錢市
賈不肯賒目斷北來何踽踽此行異日方交代又
恐官家到我土

度分水關

遠入閩中第一山連峰不下王門關地分南北開

重險水界西東逐急灘風送浮雲無定住樹迎倦
鳥豈忘還謾言越道難如蜀海日天邊近可攀

贈侍御章介菴謫建寧推官

幾年戴豸啓金函何至司刑倭右縣仙鶴巖中藏
諫草水簾洞裏結書庵官卑共信心還北地遠應
知道亦南我亦觀風問石使莫言世事此君諳

過福州

八郡衣冠萃越城喜無遊沼恣娛情北來山盡海
門濶南去川叢地道平拱極樓端留宋筆止戈堂

金華六才子集卷之二
二
昨憶韓旌何人小試經綸手坐使烟濤盡日清

志懷

守國多夷素嚴張孝母仍存眉壽走日波心扶
母渡何因擊節繼遺芳

抵興化卽事

莆中秀氣藹如春今日登臨見赤真分襟不因嫌
地瘠讀書寧為惜家貧境多君子同東魯里有仁
風冠八閩閑對荒堦無宿牒獨依紅日照斯民
捧檄校取莆田遺才

鬱鬱槐陰滿院隅
臨文何幸校生儒
自慚俗眼難知
昂敢謂私心獨好
竽海底遺珠還入
握雨餘寒木復回
蘇願期萬里振鵬
翮莫向中流失一
壺

秋夜臺院卽事

八閩大比選闈開
捧檄親登御史臺
學愧經囊專屬草
明非秦鏡更掄才
棘門涼露迎槐滴
海日秋風帶漏來
自是聖明崇重典
誰人敢用丕休哉
越省儒科一一開
古今多少到蘭臺
但求入彀通三試
何用為官擇四才
任道豈無真氏出
入朝應

有李綱來獨慚化筆非吾任每誦雄文嘆壯哉

謁先祠

祖遠煥劍躍延平潭中化為二龍先太祖亦守
延平俱有祠今理刑過此故志感云

扁舟南下入鍾池溪水清明激險巖劍化雙龍餘
寶氣澤存五馬有名祠萬年血食瞻依切一命恩
光際遇奇烏石山前重顧望好持清白繼家規

署泉州府印

共說溫陵多積案獨推拙直署專城講經已愧非

梅老勤職何能並俊卿
架上塵書還自檢
堦前淹獄逐時清
閑來漫訪先賢迹
為治誰思安靜名
泉南自古稱淳厚
翠嶺齊雲鎮郡城
持節但知求易俗
抱琴敢謂共思卿
正愁境內饑多瘦
何忍堂中暑獨清
更憶西山能止訟
總因揭示各知名

吊李抑齋憂居

昔誦歐陽拜墓詩
黃昏啼鳥不勝悲
君今痛母哀傷切
忠孝祠中可續碑

惠安久羨崔門貴
李氏于今有二難
瑚璉總為廊

廟器九泉深處自含歡

謁朱文公祠

路入同安憶晦翁軒存高士有餘風
可憐今古臨民者弦誦甘輸一簿功

永春道中

永春僻在萬山中俗視清源迥不同
鳥嶺孤掀如奮翼靈峰突竄若浮空
魁星巖絕吟書影環翠壑無落帽風
獨幸鬼峰連錦繡至今環抱邑衙東

安溪道中

髮溪山峻路多碯水色如藍不可窺遠岫南騰聯
驪馬神峰西插掩靈旗鶴翻重路千松滴虎嘯踈
林萬壑漸莫謂鄉村空枳棘燃香猶赴戴丞相祠

德化道中

山連德化映秋晴奇秀玲瓏列翠屏隱隱踈花雲
外入迢迢人自日邊行鳥樓古樹還相語猿抱深
松却不驚何處玉簫吹絕澗輕風遞送遠來聲

入南安望姜相峰

姜相峯前暫駐旌白雲暮暮鎖遺筇寰中正氣原

通志卷之二十一
非賣喉下逆鱗自敢嬰道在不論三省貴志行何
惜一身輕獨憐此地多分牧今古空餘別駕名

駐晉江謁韓忠獻祠

共誇魏國降生辰血食千年廟貌新
宰豈無忠信質何甘自棄愧斯人

公行漳州

東南際海是清漳滿目煙濤晚色蒼
鎮表梁山分楚望水環赤嶼盡閩疆
仰高書院流風遠喜雨城樓秋思長
敦向自來由刺史何人蔽芾咏甘棠

入長泰

長泰昔為武勝場盤根西北有良岡蒼烟出沒迷
山嶺古木蕭森隱道傍度險忽看天宇近臨深又
覺水源長謾言俗故多窮陋仁智亭前憶自強

政暇課莆士

環橋濟濟盡儒巾定有唐朝第一人暫向囊山尋
隱豹時從蘭水浴遊鱗文章已慶堪華國勲業何
憂不及民求志先須明聖學古來屈蠖待時伸

同許兩山諸寅大眺壺公山

老翁一去倚雲鵬何事青山獨得名每望全虧占
氣候更於盈縮卜潮生日臨翠嶺紅光迴風靜蒼
巖景色清幸與高僧尋勝迹五竒應有四難并

憩囊山寺

征車暫憩囊山寺塔對重巖亂雨花石伏無人曳
虎尾澗深何處制龍牙蒲天黃葉驚塵界松院
松映落霞靜坐更闌干劫盡只餘文火共燈茶

蓮峯吟

蓮花峰上饒竒石孤徑橫梯凌倒壁桑田世事多

幻茫誰處巨人遺履迹棋枰一局已成空茶竈雖
存無火煖窮探研讀仙篆文歲久蒼苔侵句畫桃
花塢內春自花洞銷深嵐絕燕隻淘金一去不回
來況復粘蠓占窟宅山靈歆扣杳難尋依舊白雲
埋咫尺

度木蘭陂

傾首疊石築蘭陂千古常存長者祠歆向蒲中詢
吏治落花飛絮有餘悲

題烏石山

烏石巖前存古蹟
塵埃官職滿朝端
要知地勝由
人勝
總在三賢祠裏看

同許兩山遊城南寺

靈巖寺畔草萋萋
不勝蒲中出御題
風送鍾聲空
谷谷日移塔影亂
雲齊公權筆法藏
衣鉢鄭露芸
香飄穠蕙我亦弄
幽追古迹空餘詩
句付招提

訪夾深草堂

夾深先生味道真
著書總為百年身
鄉祠俎豆精
靈在寧羨楊雄却
美新

入平海衛理久獄

孤城接海絕魚鰕境曠沙深草色枯坐聽潮聲搖
半壁旋看日影隔蓬壺觀風但冀心無歉澤物方
知願不孤獨嘆荒隅生意竭中霄誰為起鴻圖

入福清懷鄭監門

半年兩度玉融隈鬱鬱監門屈異才共羨繪畫勞
主嘆不妨違世重群猜滿腔忠赤天心眷三月甘
霖宋運回何獨秉樞其誤國浮生役役委殘灰
入萬安千戶所平久獄

早發洪巖入萬安滄溟杳望帶微寒中華地盡海
門濶異域雲來天宇寬獨教無人懷舜禹觀風誰
為黜申韓夜深烟烟對明燭掩淚應憐發長姦

署仙遊縣事

連年漳盜擾仙遊捧檄親臨正抄秋飛鳥山前敦
孝子鍾鑪獄內出寃囚景陽敷教非拘類昭度編
差有定猷坐到無言閑書永時來白日照山頭

因上官多遊九鯉湖志感

幽明一理本無尤舉世紛紛夢裏求衆挽有興板

曲磴自甘經宿混丹丘劫來積禍難更福何至生
疑復益愁假使九仙如有覺聰明寧不為民謀

福寧山中

晨發鳳山巔孤鶩如鼓翅蟠根接看簷天姥點蒼
翠霍林有洞天鄧椿授玄閥九轉乘龍騰千年留
福地樹杪鶴巢懸下臨仍欲墜萬尋峻難扳緣崖
用繩縋余民自嶺來吁吁同猿戲呵聲漫不驚舉
手叱從吏忽凌千仞岡補風躡飛鷲從之度半岫
且行復且跛力竭問途程共言近可至勉勉最上

層逐步累寸積連峰切雲端益覺心惴惴喟嘆了
業緣豈惜名與利此去豈徒然為山收一簣

清鎮東衛戎務志感

我

朝設衛為防邊何至承平却罔然不學彎弓飛白羽
偏教懸課歛青錢紗燈競織三吳錦火樹連開二
月天更訝黎園多小部何人臨陣敢爭先

入長樂

長樂臨西有十洋太平巷和接牙檣枝奴久羨江

家綠木品猶矜紫萼香山拱四明無豐嶂水通三
島卽夷鄉歆尋航次豫吳主何處觀兵觀劍芒

清梅花千戶所戎務

荒所遙臨大海隈飛沙不見長蒿萊城邊風浪隨
潮入嶼外蜃烟帶雨來疲卒難勝投石任紈童豈
稱備倭才獨餘欠負空屯額黃放逾時復白催

清刷福州中左右三衛戎卷

三衛盤牙列會城百年玩愒話承平屯糧積負無
通戶戍鎮荒虛不列營平盜豈知思薛帥黜貪誰

為學直卿幾回海上空遺恨目極倭船盡日橫

吊啓運宮

此地何移啓運宮建炎兵後日忽忽共憐故國棲
芳草獨駐閩山對晚虹海濶已安南渡楫風高不
送北歸鴻遙知泚水依然在汨汨長流自向東

入連江

踏入連江盡水鄉重尋佳景久回翔石門煙鎖餘
禪榻瀚海潮來擊岸航學道未須追壽果斷蘆何
必吊秦皇獨忻短豆存劉鞠萬木叢中自薦芳

清定海千戶所戎政

定海孤城接島夷，滿天滄浪撼墻陴。
雲臨水曲巖千疊，霞散山椒鳥獨飛。
靜柝已憐空壘峙，荷戈敢謂食糠肥。
此行采俗需籌略，杜漸應知在未危。

過羅源訪余少傅祠

大宰祠堂杳靄間，溪邊流水日潺潺。
室中獨悟言花果，忤主寧慚老故山。
塔下蒼苔晴日照，庭前古檜白雲閒。
源江風景如前宋，何至賢聲後莫攀。

勘寧德海田

稻田成海十餘里愚民紛紛訴御史不為畫策處
浮糧却欲興工塞海底兩岸淪崩五丈深獨積流
沙時中時潮來依舊滿烟濤何處容身兼耒耜但
教甃石捍下潮豈知無地洩上水牧司繆議建閘
門洩水難使潮不起傭錢編戶及無辜共怨未甕
先破錡藩臬腹非不敢違第推非才是予此自知
朴實無他腸先察山勢沿表委曉陳不可凡八條
始信狂言非附旨

清泰金千戶所戎政

守禦荒村傍海陬有興雖石苦難休水蒸島北新
春後山到閩南最盡頭斜日無閑朝自暮蒼烟不
散去還留坐依半室驚驚潮打誰為添兵控上游

入邵武謁李忠定祠

南渡中興第一人此心無日不生民孤忠自許扶
三帝九死何為惜一身天與鉄胎逢厄運山鐘間
氣應熙春辨香展拜無窮恨經略規模阻賊臣

辭母墓

起復墓前易素衣白雲猶自望孤飛明朝奉檄辭

金剛經卷第二
庭舍不見叮嚀道早歸

寺田志感

從古捨田為守寺今人毀寺却謀田留畊曾似心
田久何忍真真負彼天

清猷持香每夜燃盡將行事告蒼天閑携琴鶴猶
留迹敢向僧家問寺田

辭逆產

家近豐山遠市廛絕無聲色擾樽前蓬生麻內身
還且白遠泥中豈變玄詔後但令師儉德提身敢

謂負丹田亦知興廢如形影此產從來幾樞遷

哀悼詩

縹緲因風訃哀聲徹北林悽悽不可辯恍若孤鳥
吟遺腹八九子哺之情彌深雛成覩儀羽阿母下
重陰晤言增咄喑為我發悲音

悲音一何苦天命誠可疑褰衽依此鳥影響香難
追徘徊顧遠道悠悠隔山陂回身入空房托夢潛
通之誰令庭樹號冷冷侵寒帷

寒帷不能寐我思鬱且長攬衣獨已久仰鑒明月

光飈起月色暗壘壘被嚴霜落葉滿荒墟履之愴
以傷中夜望牛女何辜限河梁

河梁不可渡遊子暮何之明發山之巔恨恨步難
移白楊夾墓左逝水激清池中有哀猿啼臨崖長
我隨誰謂分異類不見悲別離

別離傷我曲惻惻愁無聊重之叫花鶻血啼何曉
曉啼是湘水化湘水流且遙問鶻幾時休鶻集遠
椒條喟然長大息撫心叩宜爾

冥霄澹無色浮雲走西南冉冉滅行跡霓虹竊玄

驂萬里去無力如待今負擔負擔不可極觀之令人
悵安得化黃蘗俯仰懷愧慚

愧慚未云已髮鬢想平生黃壤猶寂寞婢媵空復
情隨沒無所益況乃子身輕乳乳計危柱絃急發
悲聲嘆息當誰語徒然憎憤盈

眺西山

兹山鎮豫章葱翠自開闢杳嶂凌蒼蒼橫屏如紫
壁雄壓石頭津江流切水清勢與廬嶽齊九疊係
龍宅勝氣吐物華青霄臨咫尺中有蘭若城南連

葛仙塢乘鸞不復回
空餘洪崖迹控鶴伴閒雲
丹井通潮汝豈無幽人棲
浮生委過隙何似南昌尉
先幾照今昔

謝三司邀宴滕王閣

滕王一去幾千載危閣依然倚郡城
簾捲蘭花經雨白窻開山色入空明
停盃尚憶延賓意即景難勝慨古情
莫羨三王辭翰勝無言孺子自垂名

入員通寺

員通寺勝面廬山五老峰巒迥莫攀
日暮鳥歸修

竹裏秋深入度白雲間
未論景物堪成賦却羨禪
林得自閑夕息定心思
慧遠空餘澗水夜潺潺

過東林寺

踰入東林境更幽天晴水落萬家秋
巖前丹溜隨溪滴洞口輕烟帶日收
六月蓮花無處覓千年鶴駕復來遊
亭空莫訝增三笑總為柴桑得自由

憇九江謝張太守

潯陽秀色擅南州何幸停車上庾樓
天設五峯南北峭水分九派古今流
堂前草意春還足閣上清

金碧堂詩集 卷之二
輝夜不收寫景未應淹十日使君聲價重琳球

黃梅登五祖山

昔年五祖昇天處此日真身尚宛然花雨彌空留
幻界蓮峰隔世鎖輕烟但尋苔迹思裴相何用雲
遊學呂仙我亦指存法律訣山僧誰解了禪緣

潛山道中

太湖境北卽潛山三楚東南第一關天柱峯高紅
日早曉臺石峭白雲閑丹城歸去無遺竈秩祀何
人復列班獨有涪翁多墨跡孤亭不負此區寰

桐城吊古

樅陽積翠百山重岫插雲端並兩峯投子至今羞
敗將讀書何地認眠龍盛唐歌處車音歇樗局嚴
中野草封慨嘆豪華如過隙空慚俎豆一司農

燕鎮淮樓謝蔡可泉

振衣直上鎮淮樓舉首青冥入望幽煙起萬家環
勝地山分四頂控中州歧和不畏官三至興到何
嫌客再遊獨嘆柳洲春未到空餘荒草度深秋

中都望萬歲山

萬歲山頭旺氣鍾

高皇於此昔潛龍南通直接荆吳地內拱平分日月峰
玉帛同文光禹績山河一統盡堯封小臣仰飲昇
平澤幾度長淮憶

聖蹤

渡淮遠眺

淮南今古一都會何事瘡痍滿目愁千里蕭條成
護落萬家墟并切啁啾謾言有地堪禾黍自是無
人愛犢牛楚相芍陂風不息可慚王鄧繼前修

謁閔子墓

古木森森環古塚，孝名千載重丘磐。
更知汶上清風處，猶是初心只耐寒。

徐州即事

征途戒曉發，徒役雜徐州。
鑿井披沙磔，驅車挽馬牛。
誰開花石貢，翻失稻梁秋。
臨路空躊躇，嘆雲飛一片愁。

望薛城

顏垣破礎沒柴荆，行路猶知古薛城。
回憶春秋爭

金女堂志卷之二
長日秋風冷冷徹悲聲

訪滕文公祠

每讀軻書最見世子井田仁
岐實堪行畢來一去無
消息荒草淒淒滿故坪

望澤山

刺石山原逸氣雄
歎垂帝業並蒼穹
可憐靈輶哀
聲切大澤龍歸萬古空

謁孟廟

七篇仁義昭千古
末學何須重費辭
讀到遺編深

省處良知在我有餘師

兗州登眺

嶽樓自昔倚城隈誰今呼爲杜甫臺地勝不因詩
賦勝岱雲依舊入東來

謁伯牛墓

開編痛疾憶斯人展拜忻看廟貌新德行已居顏
閔後墓前猶自春

悼三歸臺

一匡功業浮雲外臺址空遺麀夢間恨望豪華何

金方六集卷二
處是城闌遙隔翠芸班

宿高唐聞歌

夜來隱几意如何
庭外遙聞唱和歌
緬憶綿駒人已去
誰令風吹入齊多

德州曉發

夕到平原息斗城
晨明馳驛促王程
宿分青冀天為界
河會漕漳水自盈
沙浦遙連千里秀
舳艫橫渡數帆輕
可憐孔道難支力
為政何人是阮卿

瀛臺登覽

瀛臺高聳幾登臨四望平川擁翠林西麓大符鍾
氣厚東瀕滄海簇源深布桑何處尋思求出粟誰
人學李參獨有廣川名不朽連村古木自森森

新城道中

新城直接古雄州遼宋分疆界白溝北控燕關占
地勝南連趙鎮帶河流新昌故址今猶昔駐驛閑
莊春復秋慨嘆從珂偏割險幾多詞客寄餘愁

涿鹿懷古

涿鹿南橫督亢陂行人道上有餘悲地面已向三

秦進壯士何為無返期

又

華陽館地草萋萋
奇馬美人不復棲
回憶展臺舊
霸日月明深處有烏啼

京寓志感

歲晚北風號雪花正盈陌
喟此冰玉姿不堪家多
厄七載守一官塵紛空役役
後時倦始知旅懷日
蕭索寒氣籠舊裘暮雲棲半壁
呼童復擁爐無奈
火不煖坐想柴桑翁洗心默周易久之更漏殘簷

際露微白清光比故人萬象同蒼碧

卽事

聖駕南行缺科道辱時幸推薦及期不赴選

耳目從來重諫臣非才何敢負陶鈞看花臺上應
多件奏草墀邊置為貧雲起潛龍還獨見時來屈
蠖自能伸莫言腐拙無他技須信斯心却認真

贈陳允昌補桂林節推

理刑君問理刑人熟道雖由豈足論獨有一輪明
月在不教塵牘愧斯民

氣節稜稜遠拜郎桂林深處拂秋霜可憐多少朱
衣者何似裴丞一炷香

苦寒行

北風颯颯暗閉山雪舞長天淒涼冽禁鍾靜放玉
鴉歸迎日簷頭銀屑缺隄邊楊柳怯不寒江上老
梅愁吐靄隔鄰數舊城行蹤久客敝裘溫不熟呼
童弄盞復擁爐忙把錦衣縫破裂緬懷西北戍樓
人多少嗷嗷填溝穴陰崖窮谷未見暉盡角千城
轉更咽連年斗米升斗錢沈復東南生意竭眼前

京兆半苦饑值此凍雲面無血夜來感嘆寫新詩
無奈冰凝兔穎拆燃燈達旦不思眠直為寸心同
漆室

感慰

嚴雪蔽長空淒風徹破屋亭亭舍北梅不羨春榮
木吐馥綴冰姿晚芳良可嬌始知天道仁原自剥
中復

感懷

日中堊

仙闕珂珮雜蓬萊
冲融邁三五況復施
兩雷東風變茅
茁澤流罔不諛顧
我徒名役悠悠七
載來京兆度
寒食歲晏空蓬迴
且言任倚伏把酒
咏南陔

池蓮嘆

理刑廳

亭池蓮何燎燎秋風吹汝汝不慙汝有丹葩綴綠
房朝飡湛露荷日了國香曾不藉薰鑪靜中只為
人知少豈如三月楊柳綿飄飄直度瑤池表

復補寧國理刑

古誦宣城少諍詞何妨折獄有民欺臨高羨雙

溪閣觀俗應思德政陂風送鳥盡傳杜句日移樓
影續梅詩定知地勝由人勝莫效延之嘆一麾

發潞河

昔年持節賦南征今復重行入潞城過驛不嫌官
職舊冒舟猶覺客帆輕金須百鍊堪成器要任千
鈞可受繁葵藿但知隨日向何勞轉送趨前程

阻德州謝陳瀧山部使

衛河一帶阻行舟共道微夫迓

聖遊午夜坐看滄海月經旬空對甬津流聞蘭已辱垂

青眼清路重勞備絳騶傾蓋莫言如故舊須知高
義重高丘

泊徐州

輦牛輸運雜飛埃督使遙傳花石來肉食已聞加
祿厚誰將民隱達金臺

儀真別廖東溪司諫

數載同輿幾接茵憐君獨向秣陵春雲運青瑣无
儀重日照金門服色新正喜務閑堪起草何須地
近可謀身古來獻納無奇策大體應須學伯淳

入采石謁李白祠

清晨展拜謫仙臺
天啓明皇一筆才
古代文章從此續
千年香火自誰開
疎雲曉度孤岑樹
細雨寒滋曲徑苔
緬憶豪華何處覓
青山隱隱鶴飛來

泣寧國志感

昔年讞獄奉庭萱
今入陵陽涕莫乾
暮出無因懸倚望
平反寧復得加殮
未論騫鳳還樓閣
却愧歸鴉自識村
目極江山空役役
幾迴夢裏徹征魂

望敬亭山

敬亭聳律與天齊
滿目花情鳥盡啼
紅日遙臨明
上界翠烟合
沓帶青霓
地連吳越三峰
小山控微
池五嶽低
獨憶謫仙留
秀句何如俎豆
薛公隄

同郡長曹鳳岡集疊嶂樓

樓上風光幾古今
春情秋思共登臨
雲移山外橫
千里日入簷端
良半尋境勝不
須賡謝句
溪清何
待學蘇吟
從來此地多遺
愛總為推人只
赤心

野宿

敬亭雪初霽
宛水日瀏瀏
倚棹歎南放
涇灘延阻

修行行入清底蒼波微烟收倏忽曉西旭捲地苦
石尤加之寒氣凜何啻感百憂安坐問漁父母乃
名利求漁父不可即空愧白沙鷗

次太平懷古

久聞姑孰扼東南幾度詞人弄筆談山拱天門流
碧水地臨牛渚拂晴嵐紆歌難覓桓溫調竹徑誰
尋李白菴獨有清風吹不盡時來習習繞征驂

次池州望齊山

南望齊山乍有無何因與客復携壺凌雲絕壁寒

如削繞逕流泉曲自紆二氣肇開分十嶺九華東
引甲三吳愧予未了塵紛業即景空懷插菊區

度徽嶺

振衣徽嶺望群山萬壘峯巒積翠間却訝王維真
畫絕何如烟雨拂塵寰

浮雲扶我度深山鳥道縈紆複嶺間看破浮名如
幻界寧須得失逐區寰

次徽州公幹志感

新安僻在萬山中豪健相高處處同遺愛已無傳

正澤滌煩寧有叔孫鳳祇因四寶多增勵誰謂三
章可發蒙甌駱從來多治績幾回問政向城東

迎送梓宮

南依

聖母過池陽水靜波恬達帝鄉法薄遠宗周典禮鳳舟
何羨漢儀章化行江外流光遠日照郢中慶祚長
奔走敢辭筋力竭由來此義重三綱

廣德勘事

秋深捧檄入浮城詭俗蠹豪侈訟聲委曲教言頒

金華先生集卷之三
諭學往來質獄自書屏但明王介非私黨敢抑平
民却鑄兵聖憲昭昭如白日幾回燭下死求生

起復志痛

昔年痛母謁新阡嚴訓諄諄洒半箋一字于今添
一淚逢詩敢誦蓼莪篇

送王龍溪兄致任

甲子纔過五十春羨兄勇決脫紛塵賦成松菊猶
存日乞得君王未老身煮石爐邊調瑞鶴讀書窓
下撫祥麟謾言宦轍無休者羅阜于今覩一人

北上謝巡撫汪東潭

六年兩度豫章城官職依然只舊名下榻重勞敦
孺子須知古義復今行

次舒城謝周明尹

路入舒城迥不群野纏斗度見星分
連渦潁通淮漲南控荆蘄絕楚氛
鹿起山前藏世鉢龍眠菴裏有遺文
相逢忽見今孫宰高義應知薄白雲

徐州志感

彭城古俗好賓遊何至蕭條盡瘠憂
蒼井不留皇

金部上卷之二
甫韻急灘誰放老蘇舟雨多荒草迷樊巷河決浮
沙上址樓獨有石人遺道側幾經興廢不知愁

次東平謝王明府

昔聞馬使建溪堂饗士登歌幾曲觴今對歲寒亭
上月清光何羨玉爲漿

鐘墟堂摘稿卷之十九終